

Naziv tematske cjeline u oblasti evropskih integracija	m) STRATEŠKI I PLANSKI DOKUMENTI U PROCESU PRISTUPANJA EVROPSKOJ UNIJI
Sadržaj tematske cjeline	1. Strateški i planski dokumenti u procesu pristupanja EU • Uloga strateških i planskih dokumenata u procesu pristupanja EU • Hijerarhija i međusobna povezanost strateških i planskih dokumenata 2. Program integriranja Bosne i Hercegovine u EU • Svrha, struktura i sadržaj Programa integriranja • Povezanost Programa integriranja s drugim strateškim i planskim dokumentima 3. Pregovaračka stajališta • Značaj i svrha pregovaračkih stajališta u pregovorima o pristupanju EU • Sadržaj i struktura pregovaračkih stajališta • Povezanost pregovaračkih stajališta sa strateškim i planskim dokumentima 4. Akcioni planovi i mape puta u procesu pregovora • Značaj i svrha akcionih planova i mapa puta u procesu pregovora • Sadržaj i struktura akcionih planova za pregovaračka poglavlja 5. Informatički alati za potrebe izrade i praćenja strateških i planskih dokumenata • Informacijski sistem za podršku procesu evropskih integracija (ISEI) • Uloga i primjena ISEI-a u planiranju, koordinaciji i izvještavanju
Preporučeno trajanje obuka za tematsku cjelinu izraženo brojem akademskih sati	• Klasična obuka u sali: 16 akademskih sati, odnosno obuka u trajanju od dva dana po 8 akademskih sati • Vebinar: 10 akademskih sati, odnosno dva dana po 5 akademskih sati
Opis obuka unutar tematske cjeline	Obuka pruža sveobuhvatan i strukturiran pregled strateških i planskih dokumenata koji se pripremaju i primjenjuju u procesu pristupanja BiH EU, uzimajući u obzir buduću strukturu za pregovore i elemente koji njome budu definirani. Razmatra se uloga ovih dokumenata u različitim fazama procesa pregovora o pristupanju, njihova hijerarhija i međusobna povezanost, kao i način na koji doprinose ostvarivanju preuzetih obaveza u okviru procesa pristupanja. Poseban naglasak stavljen je na Program integriranja BiH u EU kao središnji planski dokument, njegovu povezanost sa ostalim strateškim dokumentima, te ulogu u usklađivanju zakonodavnih, institucionalnih i administrativnih aktivnosti. Kao važan element pregovaračkog procesa, obuka također obuhvata pregovaračka stajališta i različite akcione planove i mape puta, koji će se pripremati za potrebe pregovora, s ciljem razumijevanja kako se strateški ciljevi i planovi prevode u konkretne pregovaračke pozicije i provedbene mjere. Sistem koordinacije u procesu evropskih integracija i njegova uloga zastupljeni su horizontalno kroz cjelokupan sadržaj obuke, a posebna pažnja posvećena je ulozi Informacijskog sistema za podršku procesu evropskih integracija (ISEI) kao IT alata koji podržava

	planiranje, koordinaciju i praćenje aktivnosti u procesu evropskih integracija, te doprinosi transparentnosti i kvalitetnijem planiranju i izvještavanju.
Ciljevi obuka unutar tematske cjeline	• Steći jasno razumijevanje uloge strateških i planskih dokumenata u procesu pristupanja EU • Upoznati polaznike s hijerarhijom i međusobnom povezanošću ključnih dokumenata u procesu pristupanja EU • Steći jasno razumijevanje svrhe, strukture i sadržaja Programa integriranja BiH u EU • Steći jasno razumijevanje značaja i strukture pregovaračkih stajališta, akcionih planova i mapa puta u procesu pregovora • Upoznati polaznike s IT alatom ISEI
Ciljna grupa polaznika (utvrđena članom 7. Odluke o obukama)	• Članovi tijela u sistemu koordinacije procesa evropskih integracija, pregovaračke strukture i svih ostalih struktura uspostavljenih za potrebe procesa evropskih integracija • Zaposleni i angažirani u institucijama na svim nivoima vlasti u BiH koji obavljaju poslove i radne zadatke u vezi s evropskim integracijama i koordinacijom procesa pridruživanja BiH EU • Predstavnici nevladinih organizacija, akademske zajednice, medija i svi ostali koji u domenu svog rada učestvuju ili imaju profesionalni interes u procesu evropskih integracija • Specifična ciljna grupa polaznika kojima je neophodno sticanje znanja o procesu evropskih integracija
Ishodi učenja	• Polaznici upoznati s ulogom strateških i planskih dokumenata u procesu pristupanja EU • Polaznici sposobni da identificiraju hijerarhiju i međusobnu povezanost strateških i planskih dokumenata u oblasti evropskih integracija • Polaznici osposobljeni da učestvuju u ažuriranju Programa integriranja BiH u EU • Polaznici osposobljeni da učestvuju u izradi pregovaračkih stajališta • Polaznici osposobljeni da učestvuju izradi akcionih planova i mapa puta u procesu pregovora • Polaznici upoznati s funkcionalnosti ISEI-a u planiranju, koordinaciji i praćenju aktivnosti u procesu evropskih integracija.
Metode izvođenja	Obuka se može držati kao klasična obuka u učionici ili vebinar. Ako se obuka drži u formi vebinara, njeno trajanje treba biti skraćeno tako da se osigura razmjerno pokrivanje cjelokupnog sadržaja. Teorijski dio (prezentacije) i praktični dio (rad u grupama i stalna interakcija s polaznicama). Praktični rad potrebno je zasnivati na metodama: - grupnog rada i diskusije, - testova samoprocjene znanja u vezi s informacijama dobivenim tokom obuke, - brainstorminga, - analiza studija slučaja stvarnih strateških i planskih dokumenata u procesu EU integracija, - praktičnih vježbi izrade dijelova konkretnog dokumenta. Praktični dio obuke treba trajati najmanje 40% vremena ukupnog trajanja obuke.

